

雲南通志



雲南通志



詩

古歌謠

漢

渡蘭滄歌

水經注漢明帝時通博南山道渡蘭津行者苦之歌曰

漢德廣開不賓度博南越蘭津渡蘭滄爲他人

熨道謠

益州記曰瀘水出曲羅兩峯有殺氣暑月舊不行故武侯以夏渡爲艱瀘水又下谷諸

水而總其目故有瀘江之名自朱提至熨道有黑水羊宮三津之阻行者苦之爲之語曰

猶溪頽木盤蛇七曲盤羊鳥籠氣與天通

四言古

晉

述南中志

常璩蜀郡

赤德中微巨猾干篡白夷乘釁致民塗炭爰迄靈獻皇極
不建牧后失圖英雄迭進覆車齊軌蒙此艱難

五言古

唐

臨水亭

舊志相傳爲寓蒼洱作不知何據姑存之

博士閻邱均成都

高館基層山幕坐藉芳草旁對野村樹下臨車馬道清朗
娛心術幽遐備瞻討回合峯隱雲聯綿渚縈島氣似滄洲
勝風爲青春好相及勝年時無令歎衰老

古風

翰林李白山東

羽檄如流星虎符合專城喧呼救邊急羣鳥皆夜鳴白日
照紫微三公運權衡天地皆得一澹然四海清藉問此何
爲答言楚徵兵渡瀘及五月將赴雲南征怯卒非戰士炎
方難遠行長號別嚴親日月慘光晶泣盡繼以血心摧兩
無聲困獸當猛虎窮魚餌奔鯨干去不一回投軀豈全生
如何舞干戚一使有苗平

同諸公送李宓雲南伐蠻

御史
儲光義

昆明濱滇池蠢爾敢逆常天星耀鐵鎖弔彼西南方總宰
統元戎太守齒軍行囊括千萬里矢謨在廟堂耀耀金虎
符一息到炎荒蒐兵自交趾芟舍出瀘陽羣山高嶄巖凌

越如鳥翔封豕驟踰伏巨象遙披攘迴溪深天淵揭厲逾
舟梁元武掃狐蜮蛟龍除方良雷霆隨神兵礪礪動穹蒼
斬伐若草木繫縲同豕羊餘醜飲瀾河啁啾亂行藏君子
惡薄險王師恥重傷廣車設置學太白收光芒邊吏靜縣
道新書行紀綱劍關掉鞅歸武弁朝建章龍樓加命服獬
豸擁秋霜邦人頌靈旗側聽何洋洋京觀在七德休哉我
神皇

過遂久縣

劉翥

百蠻亂南方羣盜如蝟起騷然疲中原征戰從此始白門
太和城來往一萬里去者無全生十人九人死代馬臥

山燕兵哭瀘水妻行求死夫母行求死子蒼天滿愁雲白骨積空壘哀哀雲南行十萬同已矣

送袁中丞持節冊南詔五韻

同平章事權德輿 略陽

西南使星去遠徼通朝聘烟雨夔道深麾幢漢儀盛途輕
五尺險水愛雙流淨上國洽恩波外臣遵禮命離亭駐紫
駟且盡尊中聖
元

碧雞山

鄭衍

中慶西南來有山勢雄奕屏開障大荒壁立數千尺晴霞
壘奇峯幽壑藏怪石清風響松濤老樹森矛戟俯瞰滇池

水仰靈雲山碧山靈得異境廟貌存古跡君侯本世家奉
詔平叛逆茲承寵光行山迎馬首憚鎮遏良有謀烟瘴似
冰釋從此邊陲寧殊勲書竹帛

西蕃箒

學士張翥寧晉

西道出邛嶺百里彌菁林俛行不見日刺木鬱蕭森伏莽
有夷獠巢枝無越禽根盤三嶺險氣接西蕃深銀山雪夏
白金沙嵐晝黔主恩畀良帥時平靖蠻心風威所播灑瘴
地空毒淫願言闢南徼蔽以樹棠陰

入霑益亂後傷懷

進士公孫輔德陽

驅馬霑益州南望滇海頭向來繁華地變滅如浮漚迴不

見人烟但見河水流青山宛然在風景何蕭颯郡縣生荆
棘汗萊翳田疇夜聽虎豹號晝顧麋鹿遊羣鳥集戰壘野
燐飛林邱灼灼道旁花只爲行者愁緬思寇亂際藩垣失
防秋空虛起外侮口語興戈矛盛衰雖天運禍端亦人謀
生靈爾何辜吾欲天公尤

謁蘭滄武侯祠

學士
揭傒斯

富州

炎靈壓東都臥龍起南陽漢業入三顧蜀日宣重光豈伊
山川險況在兵刃強八陣通神明二表貫穹蒼天運有隆
替吾君自虞唐煌煌十萬師聲威搖八荒大星殞渭南萬
古一悲傷但使漢賊分安有終不亡桓桓蕭相軍雙旄出

雲石遺集卷之二十一
永昌下馬城南池爲公酌一觴

幘池

喬堅

滇水不可涉石戟森嵯峨胡能宅蛟龍但可藏龜鼉
潏風蕩驚湍乃爾泥滓多我欲澄其源應自崑崙阿才謬諒靡
救臨流將奈何商山紫芝曲漁父滄浪歌斯人久不作千
載無清波

明

蘭滄江

學錄
毛鉉

兩山高插雲歸然若天岸草樹綠相繆仰視天一線中有
一長江江流急於箭亂石齟其中噴激成飛霰客子何問

津雞鳴夜將旦僕夫相顧愁舟楫恐失援天明涉此險永作邊城翰

蕉洞

幽幽小洞天沉沉若隧道石門古莫扃石磴淨於掃石花三月開色比桃李好人爭秉燭觀過此卽枯槁旣非人技爲無乃天所造况無鐫鑿痕此理不可曉

贈楊寧征麓川

大學士楊士奇廬陵

楊生青雲客文彩耀白璧腰閒龍泉劍別我有遠適吾聞禹徂征舞干致苗格所以宣尼訓服遠修文德好謀而有成明明垂警飭如何才智士宏議薄古昔懷忿忽遠圖急

功幸苟得寧論萬里行
誤糧豫儲積漢廷
所遣將孰是趙充國
子行職贊襄龜勉攄良畫
雖有斗酒餞安能寫胸臆

仙樂臺

僉事

孟

霽

澤州

山郭朝雨餘青蕪連野路
期與高人遊籃輿西北驚蒼山
亂雲閒隱隱鐘聲度危塔出層霄
金壇灑香霧久厭冠簪累禪林
時信步碁局傍晴軒茶烟穿竹樹
頗得靜者心安知白日暮常此坐
觀空迷方倘能悟

大觀樓

副使

趙維垣

永寧

我從哀牢來鳥譯連亭障
一望牒榆城宇宙何昭曠
瑤峯冠白雲金魚分玉浪
岫虎川途暉濤鷺風烟向
豈羨方壺

遊可使天台讓元聖心幽馮海若亦飈蕩吾欲問山靈無
言空罔象但覩巖壑間森森釋門傍

青元洞

叅政馬卿林縣

夙昔慕仙侶採藥尋名山蓬瀛殊恍惚勝境自人寰世網
猶未脫遙遙謫南蠻簿領日紛紜春風偶餘閒巡行歷阡
陌登遊遍林巒山椒洞門啓玲瓏彩雲閒奇石狀居臬斧
鑿羞垂班天光牖虛白月窟浮清潺珠璣瑱乳綴綺繡壁
苔斑儼然清華境寸碧出雲鬢果有笙鶴翁霞筆何爛熳
遺我金簡書兼之白玉環環以象太極書以示九還謂勛
松柏心無爲桃李顏再拜願至教脩舉不可攀仙路豈云

遠煉修良匪艱矢心斷金石常恐芳歲殘紅塵落已久丹
書幾時頒願言達精誠拂雲叩天關

元謀縣歌

修撰
謫戍楊慎新都

遙見元謀縣塚墓何累累藉問何人墓官尸與吏骸山川
多瘴癘仕宦少生回三月春草青元謀不可行九月草交
頭元謀不可遊嗟爾營營子何爲歟來此九州幸自寬何
爲此遊盤

采蘭引

廣通縣東響水關產蘭綠葉紫莖春華秋馥蓋楚
騷所稱紉佩之蘭也人家盆植如蒲萱者蓋蘭之
別種曰蓀與芷耳時川姜子見而采以贈予
知九畹之受誣千載矣一旦而雪作采蘭引

秋風衆草歇叢蘭揚其香綠葉與紫莖猗猗山之陽結根
不當戶無人自芬芳密林交翳翳鳴泉何湯湯欲采往無
路跼步愁褰裳美人馳目成要予以昏黃山谷歲復晚修
佩爲誰長採芳者何人蓀芷共升堂徒令楚老惜坐使宣
尼傷感此興中懷弦琴不成章

謁二忠祠

大學夏言貴溪士

朝出南城門望見城南祠含悽眺田野灑淚升堂基棟宇
何峩峩松柏森前墀言念二君子皎皎雙玉枝聖皇啓初
運元孽據滇池銜命屬後先仗節死一時義氣奮殊俗英
聲動邊陲列聖眷明德憲臣繼陳辭褒揚錫異典記述磨

雲南通志 卷之二十九
穹碑余奉萬里役弭節昆明涯弔往有深感風今重遐思
道消仁義捐俗降節槃虧洵濤蕩激中見此千仞崖疾風
轉高蓬勁草終弗移斯人久徂謝俎豆光陸離榮名豈終
極天枉奚足悲

飛來寺

提學 胡堯時 泰和

行過飛來寺逶迤趙州路忽見點蒼山飄焉神與鶩巖嵌
雪未消峯高鳥難度姿潤青芙蓉長日生雲霧懸茲千仞
崗誰能振高步人生嗟如鳩結巢簷下樹不極高與明栖
栖空旦暮

半間亭

知府 章士元 蘇州

昔賢理彭澤託迹東西林豈繫軌名教實寄方外心余質
本樗散龜勉嬰絨簪西南繫一郡綿力苦不任徵科與敲
扑填此煩冤襟爰追昔人意佳境還招尋邂逅入精廬幽
賞愜孤吟曇花爭未晝香燈散秋陰夷猶未成久瀟灑良
獨深乘興數來往挈榼聊自斟同行盡案服相懽各矢音
如知會心處無閒古與今倏忽歲云改庭柯鬱森森未諧
結廬願有懷春江潯悵此羈旅迹繩綬空蹄涔何當返初
服一臥吳山岑

白水關驛對月

參議
馬時可華亭

淺山曳輕雲茂林鬱深碧夜氣涼如水當窻迎皓魄露華